



Comhairle an
Aontais Eorpaigh

An Bhruiséil, 11 Feabhra 2022
(OR. en)

Comhad Idirinstitiúideach:
2022/0032(COD)

6170/22
ADD 1

COMPET 84
IND 34
MI 103
RC 9
RECH 74
TELECOM 51
FIN 149
CADREFIN 12
CODEC 140

NÓTA CLÚDAIGH

ó:	Ardrúnaí an Choimisiúin Eorpaigh, arna s(h)íniú ag Martine DEPREZ, Stiúrthóir
dáta a fuarthas:	10 Feabhra 2022
chuig:	Jeppe TRANHOLM-MIKKELSEN, Ardrúnaí Chomhairle an Aontais Eorpaigh
Uimh. an doic. ón gCoim.:	COM(2022) 46 final - ANNEXES 1 to 3
Ábhar:	IARSCRÍBHINNÍ a ghabhann leis an TOGRA LE hAGHAIDH RIALACHÁN Ó PHARLAIMINT NA hEORPA AGUS ÓN gCOIMISIÚN lena leagtar síos creat beart chun éiceachóras leathsheoltóirí na hEorpa a neartú (an Ionstraim Eorpach um Shliseanna)

Gheobhaidh na toscaireachtaí i gceangal leis seo doiciméad COM(2022) 46 final - ANNEXES 1 to 3.

Faoi iamh: COM(2022) 46 final - ANNEXES 1 to 3



AN COIMISIÚN
EORPACH

An Bhruiséil, 8.2.2022
COM(2022) 46 final

ANNEXES 1 to 3

IARSCRÍBHINNÍ

a ghabhann leis an

**TOGRA LE hAGHAIDH RIALACHÁN Ó PHARLAIMINT NA hEORPA AGUS ÓN
gCOIMISIÚN**

**lena leagtar síos creat beart chun éiceachóras leathsheoltóirí na hEorpa a neartú
(an Ionstraim Eorpach um Shliseanna)**

IARSCRÍBHINN I

GNÍOMHAÍOCHTAÍ

Tuairisc theicniúil ar an Tionscnamh: raon feidhme na ngníomhaíochtaí

Cuirfear gníomhaíochtaí tosaigh an Tionscnaimh agus, i gcás inarb iomchuí, gníomhaíochtaí an Tionscnaimh a bheidh ann ina dhiaidh sin chun feidhme i gcomhréir leis an tuairisc theicniúil seo a leanas:

1. ***Acmhainneacht dearthóireachta le haghaidh teicneolaíochtaí leathsheoltóra comhtháite***

Leis an Tionscnamh, cuirfear le hacmhainneachtaí dearthóireachta nuálacha ar mórscaala le haghaidh teicneolaíochtaí leathsheoltóra comhtháite trí ardán fíorúil a bheidh ar fáil ar fud an Aontais. Is éard a bheidh san ardán saoráidí dearthóireachta nuálacha nua ina mbeidh leabharlanna agus uirlisí leathnaithe, lena gcomhtháthófar líon mór teicneolaíochtaí atá ann cheana agus teicneolaíochtaí nua (lena n-áirítear teicneolaíochtaí atá ag teacht chun cinn amhail fótónaic chomhtháite, teicneolaíochtaí candamacha agus IS/teicneolaíochtaí néaramorfacha). In éineacht le huirlisí dearthóireachta EDA atá ann cheana, beifear in ann comhpháirteanna nuálacha agus coincheapa nua córais a dhearadh agus príomhfheidhmiúlachtaí a léiriú amhail cineálacha cur chuige nua maidir le hardfheidhmíocht, ísealfhuinneamh, slándáil, ailtireachtaí nua 3D agus ailtireachtaí córais ilchineálaigh, etc.

Trí bheith ag obair go dlúth leis na tionscail úsáideoirí ó earnálacha éagsúla eacnamaíocha, nascfaidh an t-ardán pobail na gcomhlachtaí dearthóireachta, soláthróirí maoinne intleachtúla agus soláthróirí uirlisí, le ETTanna chun réitigh fréamhshamhla fíorúla bunaithe ar chomhfhorbairt na teicneolaíochta. Comhroinnfear rioscaí agus costais forbartha agus cuirfear chun cinn modhanna nua gréasánbhunaithe chun rochtain a fháil ar uirlisí dearthóireachta, lena ngabhann samhlaacha costais solúbtha (go háirithe maidir le fréamhshamhaltú), chomh maith le comhchaighdeáin chomhéadain.

Déanfar an t-ardán a uasghrádú go leanúnach le cumais dearthóireachta nua fad is a dhéanann sé níos mó teicneolaíochtaí agus dearáí a chomhtháthú go leanúnach le haghaidh próiseálaithe ísealchumhachta (lena n-áirítear teicneolaíochtaí foinse oscailte, amhail RISC-V). Cuirfidh sé a chuid seirbhísí ar fáil tríd an néal, agus déanfaidh sé an rochtain agus an oscailteacht le haghaidh an phobail ar fad a uasmhéadú trí lárionaid dearthóireachta atá ann cheana agus lárionaid dearthóireachta nua ar fud na mBallstát a líonrú.

2. ***Línte Píolótacha chun ullmhú le haghaidh táirgeacht nuálach, agus le haghaidh saoráidí tástála agus turgnamhaíochta***

Tacóidh an Tionscnamh le línte píolótacha le haghaidh táirgeachta agus saoráidí tástála agus turgnamhaíochta chun bearna na dteicneolaíochtaí leathsheoltóra ón tsaotharlann go dtí an mhonarcha a dhúnadh. I measc na réimsí fócais tá:

- (a) Línte píolótacha chun turgnamh, tástáil agus bailíochtú a dhéanamh ar bhealach oscailte inrochtana, lena n-áirítear trí Phacáistí Deartha Próisis, feidhmíocht bloc maoine intleachtúla, fréamhshamhlacha fíorúla, dearraí nua agus córais ilchineálacha chomhtháite nua.

Leis an ardán fíorúil thuasluaite, beifear in ann iniúchadh dearthóireachta a dhéanamh ar bhloic maoine intleachtúla nua agus coincheapa córais nua atá le tástáil agus le bailíochtú ar na línte píolótacha trí Phacáistí Deartha Próisis tosaigh, rud a sholáthróidh aiseolas láithreach chun na samhlacha a bheachtú agus a fheabhsú roimh an aistriú chuig monarú. Ón tús, leathnóidh an Tionscnamh roinnt línte píolótacha atá ann cheana, agus sineirgí ann leis an mbonneagar dearthóireachta, ionas gur féidir leis na tionscadail dearthóireachta agus fréamhshamhaltaithe (fíorúla) rochtain a fháil ar na línte píolótacha.

- (b) Línte píolótacha nua maidir le teicneolaíochtaí leathsheoltóra amhail an teicneolaíocht FD-SOI nach bhfuil ach 10-7 nm ar fad, ardteicneolaíocht thimpeallgheatach agus teicneolaíocht úrscothach na nód imill tosaigh (e.g. faoi bhun 2 nm), agus iad á gcomhlánú le línte píolótacha le haghaidh córais ilchineálacha 3D a chomhtháthú agus le haghaidh ardphacáistíochta. Leis na línte píolótacha déanfar na gníomhaíochtaí taighde agus nuálaíochta is déanaí agus torthaí na ngníomhaíochtaí sin a chomhtháthú.

Áireofar sna línte píolótacha bonneagar dearthóireachta tiomnaithe ina mbeidh, mar shampla, samhlacha dearthóireachta lena n-ionsamhlaítear an próiseas monaraithe le haghaidh na n-uirlisí dearthóireachta a úsáidtear chun ciorcaid agus córais ar shlis a dhearadh. Bunófar an bonneagar dearthóireachta sin agus fíorúlú na línte píolótacha a bheidh soláimhsithe don úsáideoir, le go mbeidh rochtain dhíreach orthu ar fud na hEorpa tríd an ardán dearthóireachta thuas. Cuirfidh nasc dá leithéid ar chumas an phobail dearthóireachta roghanna teicneolaíochta a thástáil agus a bhailíochtú sula mbeidh siad ar fáil ar bhonn tráchtála. Áiritheoidh sé go mbainfidh an dearadh nua ar an tslise agus ar an gcóras leas iomlán as acmhainn na dteicneolaíochtaí nua agus gurb é an toradh a bheidh air go mbeidh nuálaíocht úrscothach ann.

In éineacht le chéile, leis na línte píolótacha sin, cuirfear IP Eorpach, scileanna agus nuálaíocht na hEorpa i dteicneolaíocht monaraíochta leathsheoltóra chun cinn agus athneartófar agus leathnófar seasamh na hEorpa maidir le trealamh nua monaraíochta agus ábhair nua le haghaidh modúil ardteicneolaíochta leathsheoltóra, amhail liteagrafaíocht agus teicneolaíochtaí sliseoige.

Eagrófar comhar agus comhoibriú dlúth leis an tionscal chun leathnú na hacmhainneachta sin agus chun cuimsiú criticiúil a threorú ón uair a chuirfear tús leis na línte píolótacha cáilithe atá roghnaithe lena mbaineann, mar shampla, ardphacáistíú, teicneolaíocht chomhtháthaithe ilchineálach 3D agus feidhmiúlachtaí tábhachtacha breise amhail fótónaic shileacain, leictreonaic chumhachta, teicneolaíochtaí braiteacha, graiféin shileacain, teicneolaíochtaí candamacha etc. An bonneagar

cumhachtach leathnaithe uile-Eorpach um línte píolótacha sin, atá nasctha go dlúth leis an mbonneagar cumasúcháin dearthóireachta, tá sé bunriachtanach chun eolas, acmhainneacht agus cumais na hEorpa a leathnú chun an bhearna idir nuálaíocht ón taighde atá cistithe go poiblí agus an monarú atá cistithe ar bhonn tráchtála a dhúnadh, agus chun an t-éileamh agus an monarú san Eoraip a mhéadú faoi dheireadh na deacáide seo.

3. ***Acmhainneachtaí Ardteicneolaíochta agus Ardinnnealtóireachta le haghaidh sliseanna candamacha***

Leis an Tionscnamh, tabharfar aghaidh ar riachtanais shonracha na gcomhpháirteanna próiseála faisnéise a bheidh ann amach anseo lena mbainfear leas as prionsabail neamhchlasaiceacha, go háirithe sliseanna lena mbainfear leas as éifeachtaí candamacha (i.e. sliseanna candamacha) bunaithe ar ghníomhaíochtaí taighde. I measc na réimsí fócais tá:

- (a) *Leabharlanna dearthóireachta nuálacha le haghaidh sliseanna candamacha* lena dtógtar ar phróisis dearthóireachta agus monaraithe phróisis sheanbhunaithe thionscal clasaiceach na leathsheoltóirí d'ardáin qubit atá bunaithe ar leathsheoltóirí agus ar fhótónaic; agus iad á gcomhlánú ag forbairt na leabharlanna dearthóireachta nuálacha agus ardthorbartha a fhorbairt agus próisis mhonaraithe le haghaidh na n-ardán qubit malartach nach bhfuil comhoiriúnach le leathsheoltóirí.
- (b) *Línte píolótacha* chun ciorcaid chandamacha agus leictreonaic rialúcháin a chomhtháthú chun sliseanna candamacha a thógáil lbunaithe ar thaighde leanúnach agus leas á bhaint as an taighde sin; agus, chun rochtain a sholáthar ar sheomraí glana tiomnaithe agus ar theilgcheartaí tiomnaithe fréamhshamhaltaithe agus táirgthe, an bhacainn iontrála le haghaidh forbairt agus táirgeadh méideanna beaga comhpháirteanna candamacha a laghdú agus dlús a chur leis na timthriallta nuálaíochta.
- (c) *Saoráidí tástála agus turgnamhaíochta* chun comhpháirteanna ardchandamacha a tháirgfear trí na línte píolótacha a thástáil agus a bhailíochtú, rud lena ndúnfar an lúb aischothaithe nuálaíochta idir dearthóirí, táirgeoirí agus úsáideoirí comhpháirteanna candamacha.

4. ***Líonra lárionad inniúlachta agus forbairt scileanna***

Tacóidh an Tionscnamh leis an méid seo a leanas:

- (a) *Líonra lárionad inniúlachta* a chruthú i ngach Ballstát chun úsáid na dteicneolaíochtaí sin a chur chun cinn, lárionaid a bheidh ag feidhmiú mar chomhéadain leis an ardán ard-dearthóireachta agus na línte píolótacha thuasluaite, rud lena n-éascófar a n-úsáid éifeachtach, agus lena soláthrófar saineolas agus scileanna do na geallsealbhóirí, lena n-áirítear FBManna úsáideora deiridh. Soláthróidh lárionaid inniúlachta seirbhísí nuálacha don earnáil tionsclaíochta, agus go háirithe do na FBManna, ar an saol acadúil agus ar údarais phoiblí agus cuirfidh siad réitigh shaincheaptha ar fáil do réimse leathan úsáideoirí, rud a chothóidh úsáid níos leithne dearaidh agus ardteicneolaíochta san

Eoraip. Cabhróidh siad freisin le lucht saothair ardoilte a mhéadú san Eoraip.

- (b) Maidir le *scileanna*, eagrófar gníomhaíochtaí sonracha oiliúna i dtaca le huirlisí dearthóireachta agus teicneolaíochtaí leathsheoltóra ar an leibhéal áitiúil, réigiúnach nó uile-Eorpach. Tacófar le scoláireachtaí a chur ar fáil le haghaidh staidéar iarchéime. Comhlánóidh na gníomhaíochtaí sin gealltanais thionsclaíocha faoin gComhshocrú um Scileanna, rud a mhéadóidh líon na n-intéirneachtaí agus na bprintíseachtaí, i gcomhar leis an saol acadúil. Tabharfar aird freisin ar chlár athscilithe agus uas-scilithe d'oibrithe atá ag aistriú ó earnálacha eile.

5. ***Gníomhaíochtaí ‘an Chiste um Shliseanna’ chun rochtain ar chaipiteal a sholáthar do ghnólachtaí nuathionscanta, ghnólachtaí atá ag méadú, FBManna agus cuideachtaí nach iad sa slabhra luacha leathsheoltóirí***

Leis an Tionscnamh, tacófar le héiceachóras nuálaíochta leathsheoltóirí agus teicneolaíochtaí candamacha atá faoi bhláth a chruthú trí thacú le rochtain fhorleathan ar chaipiteal fiontair do ghnólachtaí nuathionscanta, do ghnólachtaí atá ag méadú agus do FBManna chun a ngnó a fhás agus a láithreacht sa mhargadh a leathnú ar bhealach inbhuanaithe.

IARSCRÍBHINN II

TÁSCAIRÍ INTOMHAISTE CHUN FAIREACHÁN A DHÉANAMH AR CHUR CHUN FEIDHME AN TIONSCNAIMH AGUS TUAIRISCIÚ A DHÉANAMH AR DHUL CHUN CINN AN TIONSCNAIMH MAIDIR LE BAINT AMACH A CHUSPÓIRÍ

1. Líon na n-eintiteas dlíthiúil atá páirteach (foroinnte de réir méide, cineáil agus thír a mbunaíochta) sna gníomhaíochtaí a fhaigheann tacaíocht ón Tionscnamh.
2. Líon na n-uirlisí dearthóireachta arna bhforbairt nó arna gcomhtháthú faoin Tionscnamh.
3. An méid iomlán arna chomhinfeistiú in acmhainní dearthóireachta agus i línte píolótacha faoin Tionscnamh.
4. Líon na n-úsáideoirí nó na bpobal úsáideoirí a fhaigheann rochtain ar acmhainní dearthóireachta agus línte píolótacha faoin Tionscnamh.
5. Líon na ngnólachtaí a d'úsáid seirbhísí na lárionad inniúlachta náisiúnta a fhaigheann tacaíocht ón Tionscnamh.
6. Líon na ndaoine ar cuireadh oiliúint orthu chun ardscileanna agus oiliúint a fháil ar theicneolaíochtaí leathsheoltóra agus candamacha a fhaigheann tacaíocht ón Tionscnamh.
7. Líon na ngnólachtaí nuathionscanta, na ngnólachtaí atá ag méadú agus na FBManna a fuair caipiteal fiontair ó ghníomhaíochtaí an 'Chiste um Shliseanna' agus méid iomlán na n-infheistíochtaí caipitil a rinneadh.
8. Méid na hinfeistíochta a dhéanann cuideachtaí atá ag feidhmiú san Aontas, agus an deighleog den slabhra luacha ina n-oibríonn siad á cur san áireamh.

IARSCRÍBHINN III

SINEIRGÍ LE CLÁIR DE CHUID AN AONTAIS

1. Le sineirgí an Tionscnaimh le Cuspóirí Sonracha 1 go 5 den **Chlár don Eoraip Dhigiteach**, áiríteofar an méid seo a leanas:
 - (a) Go bhfuil fócas téamach spriocdhírthe an Tionscnaimh maidir le teicneolaíochtaí leathsheoltóra agus teicneolaíochtaí candamacha comhlántach;
 - (b) Go tabharfar tacaíocht, le cuspóirí sonracha 1 go 5 den Chlár don Eoraip Dhigiteach, don fhothú acmhainneachta digití in ardeicneolaíochtaí digiteacha lena n-áirítear an *Ríomhaireacht Ardfeidhmíochta, an Intleacht Shaorga*, agus an *Chibearshlándaíl*; agus, go dtacóidh an Clár le hardscileanna digiteacha freisin;
 - (c) Leis an Tionscnamh, déanfar infheistíocht i bhfothú acmhainneachta chun ardchumas dearthóireachta, táirgthe agus comhtháthaithe córas a threisiú i dteicneolaíochtaí *leathsheoltóra agus candamacha* úrscothacha agus den chéad ghlúin eile ar mhaithe le forbairt nuálach ghnó, chun slabhraí soláthair agus luacha leathsheoltóra na hEorpa a neartú, chun freastal ar phríomhearnálacha tionsclaíocha agus chun margaí nua a chruthú.
2. Le sineirgí le **Fís Eorpach**, áiríteofar an méid seo a leanas:
 - (a) cé go dtagann réimsí téamacha a dtugtar aghaidh orthu leis an Tionscnamh agus roinnt réimsí a bhaineann le Fís Eorpach le chéile, gur éagsúil agus comhlántach na cineálacha gníomhaíochtaí atáthar le tacú leo, na haschuir ionchasacha agus na loighic idirghabhála atá acu;
 - (b) le Fís Eorpach go soláthrófar tacaíocht chuimsitheach don taighde, don fhorbairt theicneolaíoch, don taispeáint, don phiólótú, don chruthúnas coincheapa, don tástáil agus don fhréamhshamhaltú, lena n-áirítear cur chun úsáide réamhthráchtálach teicneolaíochtaí digiteacha nuálacha, go háirithe trí bhíthin an mhéid seo a leanas:
 - (i) buiséad tiomnaithe i gcolún na ‘nDúshlán Domhanda agus Iomaíochas Tionsclaíoch Eorpach’ le haghaidh na braisle ‘Cúrsaí Digiteacha, an Tionscal agus an Spás’ chun teicneolaíochtaí cumasúcháin a fhorbairt (IS agus róbataic, idirlíon den Chéad Ghlúin Eile, Ríomhaireacht Ardfeidhmíochta agus Mórshonraí, eochairtheicneolaíochtaí digiteacha (lena n-áirítear micrileictreonaic), lena gcomhcheanglaítear cúrsaí digiteacha le teicneolaíochtaí eile);
 - (ii) tacaíocht do bhonneagair thaighde faoi cholún na ‘hEolaíochta Oscailte’;
 - (iii) comhtháthú digiteach i measc na nDúshlán Domhanda ar fad (sláinte, slándáil, fuinneamh agus soghluaisteacht, aeráid, etc.); agus

- (iv) tacaíocht do nuálaíochtaí ceannródaíocha atá ag méadú faoi cholún ‘An Eoraip Nuálach’ (a mbeidh teicneolaíochtaí digiteacha agus teicneolaíochtaí eile cónastha i gcuid mhór acu);
 - (c) go mbeidh an Tionscnamh ag díriú go heisiach ar acmhainní ar mórsála a fhorbairt i dteicneolaíochtaí leathsheoltóra agus candamacha ar fud na hEorpa. Déanfar infheistíocht leis sna nithe seo a leanas:
 - (i) an nuálaíocht a chothú trí thacú le dhá acmhainn theicneolaíocha dhlúthnasctha lenar féidir coincheapa nua córais a cheapadh, mar aon lena dtástáil agus lena mbailíochtú i línte píolótacha.
 - (ii) tacaíocht spriocdhírithe a sholáthar chun cur le hacmhainneacht oiliúna agus feabhas a chur ar ardinniúlachtaí agus ardscoilleana digiteacha feidhmeacha chun tacú le forbairt agus cur chun úsáide leathsheoltóirí de réir tionscail forbartha teicneolaíochta agus úsáideora deiridh; agus
 - (iii) líonra lárionad náisiúnta inniúlachta, lena n-éascófar rochtain ar phobail agus ar thionscail úsáideora deiridh agus lena soláthrófar saineolas agus seirbhísí nuálaíochta dóibh, chun táirgí agus feidhmchláir nua a fhorbairt agus chun aghaidh a thabhairt ar chlistí margaidh.
 - (d) go gcuirfear acmhainneachtaí teicneolaíochta an Tionscnaimh ar fáil don phobal taighde agus nuálaíochta, lena n-áirítear le haghaidh gníomhaíochtaí a fhaigheann tacaíocht ó Fhís Eorpach;
 - (e) de réir mar a théann forbairt na dteicneolaíochtaí digiteacha nuálacha in aibíocht i réimse na leathsheoltóirí a bhuí le Fís Eorpach, go nglacfar na teicneolaíochtaí sin de réir a chéile agus go gcuirfear chun úsáide iad de réir a chéile faoin gClár nuair is féidir sin;
 - (f) maidir le cláir Fís Eorpach le haghaidh forbairt scileanna agus curaclam inniúlachtaí, lena n-áirítear iad sin a sholáthraítear ag lárionaid chomhshuí pobal eolais agus nuálaíochta de chuid na hInstitiúide Eorpaí um Nuálaíocht agus Teicneolaíocht, go ndéanfar iad a chomhlánú le fothú acmhainneachta in ardscoilleana agus acmhainneachtaí digiteacha sna teicneolaíochtaí leathsheoltóra agus candamacha a dtacaítear leo faoin Tionscnamh;
 - (g) go gcuirfear ar bun sásraí comhordaithe láidre le haghaidh clársceidealú agus cur chun feidhme, agus na nósanna imeachta ar fad don Tionscnamh agus do Chlár Fís Eorpach araon á n-ailíniú a mhéid is féidir. Beidh gach seirbhís ábhartha de chuid an Choimisiúin páirteach ina struchtúir rialachais.
3. Le sineirgí le cláir an Aontais atá faoi bhainistíocht chomhroinnte, lena n-áirítear **CFRE, CSE+, an Ciste Eorpach Talmhaíochta um Fhorbairt Tuaithe agus an Ciste Eorpach Muirí, Iascaigh agus Dobharshaothraithe**, áiríteofar go ndéanfar éiceachórais nuálaíochta réigiúnacha agus áitiúla, an claochlú tionsclaíoch, mar aon le claochlú digiteach na sochaí agus na riarachán poiblí a fhorbairt agus a neartú. Áirítear leis sin tacaíocht do chlaohlú digiteach na hearnála tionsclaíochta

agus glacadh torthaí, chomh maith le teicneolaíochtaí agus réitigh nuálacha a chur i bhfeidhm ar bhonn céimneach. Leis an Tionscnamh, comhlánófar líonrú trasnáisiúnta agus mapáil thrasnáisiúnta na n-acmhainneachtaí a dtacóidh sé leo, agus tacófar leis an líonrú agus leis an mapáil sin, ionas go mbeidh rochtain ag FBManna agus ag tionscail úsáideora deiridh orthu i ngach réigiún de chuid an Aontais.

4. Le sineirgí leis an **an tSaoráid um Chónascadh na hEorpa**, áireofar an méid seo a leanas:
 - (a) go ndíreofar, leis an Tionscnamh, ar fhothú acmhainneachta digití agus bonneagair dhigitigh ar mórsála i réimse na leathsheoltóirí, ionas go mbeidh glacadh agus cur chun úsáide forleathan ann ar fud na hEorpa i dtaca le réitigh dhigiteacha nuálacha bharrthábhachtacha, atá ann cheana nó a ndearnadh tástáil orthu, laistigh de chreat de chuid an Aontais i réimsí a bhaineann le leas an phobail nó cliseadh sa mhargadh. Tá an Tionscnamh le cur chun feidhme go príomha trí infheistíochtaí comhordaithe agus straitéiseacha leis na Ballstáit, chun acmhainneachtaí digiteacha i dteicneolaíochtaí leathsheoltóra a bheidh le roinnt ar fud na hEorpa agus i ngníomhaíochtaí ar fud an Aontais a fhorbairt. Tá sé sin ábhartha go háirithe leis an leictirí agus leis an tiomáint uathrialach, agus ba cheart go rachadh sé chun tairbhe tionscal úsáide deiridh níos iomaíche agus go n-éascódh sé forbairt na dtionscal sin, go háirithe in earnálacha na soghluaisteachta agus an iompair;
 - (b) go gcuirfear acmhainneachtaí agus bonneagair an Tionscnaimh ar fáil chun teicneolaíochtaí agus réitigh nuálacha nua ar féidir glacadh leo in earnálacha na soghluaisteachta agus an iompair a chur chun úsáide. Tá an tSaoráid um Chónascadh na hEorpa le tacú le teicneolaíochtaí agus réitigh nuálacha nua i réimse na soghluaisteachta agus an iompair chomh maith le réimsí eile a chur i bhfeidhm ar bhonn céimneach agus a chur chun úsáide;
 - (c) go mbunófar sásraí comhordúcháin, go háirithe trí na struchtúir rialachais iomchuí.
5. Le sineirgí leis an **gClár InvestEU**, áiríteofar an méid seo a leanas:
 - (a) go soláthrófar tacaíocht trí mhaoiniú margadh-bhunaithe, lena n-áireofar cuspóirí beartais faoin Tionscnamh a ghnóthú, faoi Rialachán (AE) 2021/523; d'fhéadfaí an maoiniú margadh-bhunaithe sin a chomhcheangal leis an tacaíocht ó dheontais;
 - (b) go dtabharfar tacaíocht do shaoráid mheasctha faoin gCiste InvestEU le maoiniú a sholáthrófar tríd an gClár Fís Eorpach nó tríd an gClár don Eoraip Dhigiteach i bhfoirm ionstraimí airgeadais laistigh d'oibríochtaí measctha.
6. Le sineirgí le **Erasmus+**, áireofar an méid seo leanas:
 - (a) leis an Tionscnamh, go dtacófar le forbairt agus éadail na n-ardscileanna digiteacha is gá chun teicneolaíochtaí leathsheoltóra úrscothacha a fhorbairt agus a chur chun úsáide i gcomhar leis na tionscail ábhartha is infheidhme;

(b) go gcomhlánófar leis an gcuid de Erasmus+ a bhaineann le hardscileanna digiteacha na hidirghabhálacha ón Tionscnamh lena dtabharfar aghaidh ar éadáil scileanna i ngach réimse agus ar gach leibhéal trí thaithí de bharr na soghluaisteachta.

7. Áiritheofar sineirgí le cláir agus le tionscnaimh eile de chuid an Aontais maidir le hinniúlachtaí agus scileanna.